

საგადასახადო ვალდებულებების ნებაყოფლობითი შესრულების სტრატეგია 2015-2016

ურთიერთობა მარტივია

www.rs.ge



საზღვარსაღარ ვაღღარებულებების ნაბყორფლოობითი შარსრულების სარსარაღარ



საბაღმასაბდო ვალდებულებების
ნებაყოფლობითი შესრულების
სტრატეგია

2015 - 2016

შინაარსი

შესავალი

- 01 ზოგადი მიმოხილვა 2
- 02 განხორციელებული პროექტები 4

საბიუჯეტო მიმოხილვა და საგადასახადო შემოსავლები

- 03 გადამხდელთა სტატუსი და რაოდენობა 7
- 04 ფიზიკური და იურიდიული პირების წილი საერთო საგადასახადო შემოსავლებში 2005 წლიდან 2014 წლის ჩათვლით 8

საგადასახადო ვალდებულებების ნებაყოფლობითი შესრულების სტრატეგია

- 05 შემოსავლების სამსახურის მიზანი და მიდგომა გადამხდელთა საგადასახადო ვალდებულებების ნებაყოფლობითი შესრულების მიმართ 9
- 06 ფაქტორები, რომლებიც გავლენას ახდენენ გადამხდელთა ქცევაზე 10
- 07 გადამხდელთა სეგმენტაცია ფისკალური ეფექტისა და რისკის დონის მიხედვით და შემოსავლების სამსახურის მიდგომა თითოეულ სეგმენტზე 12
- 08 გადასახადების გადახდისგან თავის არიდების მიზეზები 14

შემოსავლების სამსახურის 2015-2016 წლების გადასახადის გადამხდელთა მიერ საგადასახადო ვალდებულებების ნებაყოფლობითი შესრულების სტრატეგია

- 09 რისკის იდენტიფიკაცია და ანალიზი 20
- 10 ეფექტური სტრატეგიის შემუშავება 20
- 11 ძირითადი ღონისძიებების ეფექტური განხორციელება 20
- 12 საგადასახადო ვალდებულებების ნებაყოფლობითი შესრულების სტრატეგიის მიზნობრივი ჯგუფები 21

განხორციელებული პროექტები 25

ძვირფასო მოქალაქე

შემოსავლების სამსახურის მიისწრაფვის გადასახადის გადამხდელთან ურთიერთობის გამარტივებისაკენ. ჩვენ ვიკვლევთ მათთვის რთულ საკითხებს, რათა დავეხმაროთ კუთვნილი საგადასახადო ვალდებულებების სწორად და მარტივად შესრულებაში. სურვილი გვაქვს, ვიყოთ მაქსიმალურად ადვილად ხელმისაწვდომი ყველა გადამხდელისათვის. ვაფასებთ გადამხდელთა გამოხმაურებას ჩვენს საქმიანობასთან დაკავშირებით და ვითვალისწინებთ მას მომავალი გეგმების შედგენისას, ვთავაზობთ სანდო და დასაბუთებულ რჩევებს მათ საქმიანობასთან დაკავშირებით და ვეხმარებით საჭიროების შემთხვევაში დაუკავშირდნენ სათანადო პირებს.



გიორგი თაბუაშვილი

შემოსავლების სამსახურის უფროსი; ფინანსთა მინისტრის პირველი მოადგილე;

ჩვენი მიზანია ისეთი გარემოს შექმნა, სადაც გადამხდელის უფლებები მაქსიმალურად იქნება დაცული, ისინი თავისუფლად შეძლებენ ურთიერთობას შემოსავლების სამსახურთან და დარწმუნდებიან ჩვენს პროფესიონალიზმში.

განვითარებული ქვეყნების გამოცდილებისა და უცხოელი ექსპერტების დახმარებით შევიმუშავეთ “საგადასახადო ვალდებულებების ნებაყოფლობითი შესრულების სტრატეგია”, რომლის დანერგვას მრავალ ქვეყანაში შედეგად მოყვა საბიუჯეტო შემოსავლების ზრდა და გასატარებელი საგადასახადო კონტროლის ღონისძიებების შემცირება. აღნიშნულ ქვეყნებში, მათ შორის საქართველოშიც, გადასახადის გადამხდელები აცნობიერებენ, რომ ისინი არიან ქვეყნის სტაბილური განვითარების მთავარი წყარო და მათ მიერ გადახდილი გადასახადები საბოლოო ჯამში მათსავე კეთილდღეობას ხმარდება.

“საგადასახადო ვალდებულებების ნებაყოფლობითი შესრულების სტრატეგიის” შემუშავება შემოსავლების სამსახურის მიმართ გადასახადის გადამხდელის ნდობის ამაღლების გზაზე გადადგმული კიდევ ერთი ნაბიჯია. ვიმედოვნებთ, რომ აღნიშნული სტრატეგიის ფარგლებში უფრო გაიზრდება იმ გადასახადის გადამხდელთა რაოდენობა, რომლებიც ნებაყოფლობით ადეკლარირებენ და იხდიან კუთვნილ გადასახადებს, რითაც ერთად შევძლებთ ქვეყნის ეკონომიკური კეთილდღეობის გაუმჯობესებაში ჩვენი მნიშვნელოვანი წვლილის შეტანას.

გისურვებთ წარმატებას თქვენს საქმიანობაში!

შემოსავლების სამსახურის უფროსი;
ფინანსთა მინისტრის პირველი მოადგილე;

გიორგი თაბუაშვილი

ურთიერთობა მარტივად

www.rs.ge

გოგადი მიმოხილვა

შემოსავლების სამსახური არის საქართველოს ფინანსთა სამინისტროს მმართველობის სფეროში შემაჯავლი, სახელმწიფო კონტროლის განმახორციელებელი საჯარო სამართლის იურიდიული პირი, რომელიც თავის უფლებამოსილებას ახორციელებს საქართველოს მთელ ტერიტორიაზე. ჩვენი მთავარი ფუნქციაა მარტივი და სანდო საგადასახადო სისტემის ჩამოყალიბება, შესაბამისად საქართველოში არსებული ბიზნეს გარემოს ხელშეწყობა და გაუმჯობესება.

ჩვენ ვქმნით საჯარო და გამჭვირვალე საგადასახადო სისტემას, ასევე ვახდენთ მოსახლეობისა და გადასახადის გადამხდელთა ინფორმირებას, რაც ამ სისტემის გამართული ფუნქციონირების ქვაკუთხედიანია. გადასახადის გადამხდელისათვის მაღალკვალიფიციური მომსახურებისა და კონსულტირების შეთავაზება შემოსავლების სამსახურის თანამშრომელთა კვალიფიკაციის მუდმივი ამაღლების გზით ხორციელდება.

ჩვენი მიზანია სამართლიანი ადმინისტრირების სისტემის ჩამოყალიბება, რათა საქართველო იყოს ყველაზე მიმზიდველი ქვეყანა ინვესტიციების განხორციელებისა და ბიზნესის კეთების სიმარტივის თავლსაზრისით, საიმედო პარტნიორი საერთაშორისო ვაჭრობაში, ასევე სახელმწიფოთა მსოფლიო თანამეგობრობის ღირსეული და პროგრესული წევრი, რომელიც სატარიფო და არასატარიფო ბარიერების გაუქმებით სისტემატურად ამარტივებს საერთაშორისო ვაჭრობასთან დაკავშირებულ პროცედურებს.

ბოლო რამდენიმე წლის განმავლობაში გატარდა არაერთი რეფორმა და დაინერგა სხვადასხვა სახის ელექტრონული მომსახურება, რამაც საგრძნობლად გაამარტივა ურთიერთობა შემოსავლების სამსახურსა და მის მომხმარებლებს შორის. ჩვენი დახმარებით გადასახადის გადამხდელს ეხარჯება უმცირესი დრო და რესურსები საგადასახადო კანონმდებლობით გათვალისწინებულ ვალდებულებათა შესასრულებლად.

ჩვენ მივისწრაფით მარტივი და ნათელი საგადასახადო კანონმდებლობის შექმნისკენ, რომელიც გადასახადის გადამხდელის კანონიერი ინტერესებისა და უფლებების დაცვის გარანტი და მისთვის დაკისრებული მოვალეობების პირნათლად შესრულების აუცილებელი წინაპირობაა.



ზოგადი მიმოხილვა

„საგადასახადო ვალდებულებების ნებაყოფლობითი შესრულების სტრატეგია“ მუშაობს თქვენთვის!

ზადამხდელთა უმრავლესობა გადასახადებს იხდის ნებაყოფლობით და ჩვენ მივისწრავით ამ პროცესის გასამარტივებლად. ასევე ვიყენებთ სხვადასხვა მეთოდს იმ გადამხდელთა გამოსავლენად, რომლებიც არ იხდიან გადასახადებს და მივმართავთ ზომებს გადასახადების გადახდისგან თავის არიდების ფაქტების აღმოსაფხვრელად. შემოსავლების სამსახურში მუდმივად მიმდინარეობს მრავალმხრივი განხილვა გადამხდელების შესახებ. სურვილი გვაქვს გავიგოთ, რა უნდათ მათ და როგორ შეიძლება დავეხმაროთ სხვადასხვა საკითხის მოგვარებაში. გადამხდელთა ჯგუფებზე დაკვირვების შედეგად ვცდილობთ შევიმუშაოთ სტრატეგია და განვსაზღვროთ, თუ როგორ გავზარდოთ გადამხდელთა საგადასახადო ვალდებულებების ნებაყოფლობითი შესრულება და როგორ ვიმოქმედოთ გადასახადებისგან თავის არიდების შემთხვევებში.

შემოსავლების სამსახურის „საგადასახადო ვალდებულებების ნებაყოფლობითი შესრულების სტრატეგია“ არის ამ განხილვებისა და გადანყვეტილებების ლოგიკური შედეგი. აღნიშნულ დოკუმენტში დეტალურად არის აღწერილი შემოსავლების სამსახურის მიერ განხორციელებული პროექტები და მიღწევები, საგადასახადო შემოსავლების როლი ქვეყნის ეკონომიკაში და გადამხდელთა ის მიზნობრივი ჯგუფები, რომელთა გადასახადების ნებაყოფლობითი დეკლარირების და გადახდევინების გაუმჯობესება აქტუალური და მნიშვნელოვანი იქნება მიმდინარე წელს.

აღნიშნული სტრატეგიის ფარგლებში ჩვენი მიზანია ფოკუსირება მოვახდინოთ პრობლემურ ჯგუფებზე და გავაცნოთ მათ ის ღონისძიებები, რომლებიც განხორციელდება ნებაყოფლობითი დეკლარირების და გადახდევინების გაზრდის კუთხით. „საგადასახადო ვალდებულებების ნებაყოფლობითი შესრულების სტრატეგია“ ფარგლებში გავაგრძელებთ იმ გადამხდელთა მხარდაჭერას, რომელთაც სურთ გადაიხადონ გადასახადები და ამავდროულად შევინარჩუნებთ მკაცრი კონტროლის პოლიტიკას იმ გადამხდელებთან, რომლებიც ცდილობენ თავი აარიდონ საგადასახადო ვალდებულებების შესრულებას.



განხორციელებული პროექტები

ბოლო წლების განმავლობაში განხორციელებული რეფორმებიდან საგადასახადო სფეროს რეფორმა ერთ-ერთი მნიშვნელოვანი და წარმატებულია. აღნიშნული რეფორმის ფარგლებში 2003 წელს არსებული 26 სახის გადასახადის ნაცვლად, დღეის მდგომარეობით მხოლოდ 6 სახის გადასახადი მოქმედებს, კერძოდ:

1. საშემოსავლო გადასახადი;
2. მოგების გადასახადი;
3. დამატებული ღირებულების გადასახადი;
4. აქციზი;
5. იმპორტის გადასახადი;
6. ქონების გადასახადი.

ბოლო წლებში გაერთიანდა საგადასახადო და საბაჟო ადმინისტრაციები. დღეისათვის ამ ორი სტრუქტურული ერთეულის უფლებამოსილებას ახორციელებს შემოსავლების სამსახური. აღნიშნულმა ინსტიტუციურმა რეფორმამ არამხოლოდ დაზოგა ადმინისტრაციული რესურსები, არამედ დააჩქარა გარდაქმნის პროცესები და ჰარმონიზაცია. 2011 წლიდან ძალაშია ახალი საგადასახადო კოდექსი. შეიცვალა მიდგომა გადასახადის გადამხდელის მიმართ და მკაცრი მაკონტროლებელის ნაცვლად გადასახადის გადამხდელებს შემოსავლების სამსახურის სახით გამოუჩნდა სანდო პარტნიორი. ამ მიზნით გატარდა მრავალი რეფორმა, რომლებიც დღესაც წარმატებით ფუნქციონირებს. კერძოდ:

განხორციელებული პროექტები

- დაინერგა რისკზე დაფუძნებული აუდიტი;
- მიმდინარე კონტროლის პროცესი იგეგმება რისკების ელექტრონული პროგრამის მეშვეობით;
- განხორციელდა საგადასახადო სისტემის ცენტრალიზება;
- მიმდინარეობს კადრების სისტემატური გადამზადება;
- შესაძლებელია პრობლემურ საკითხებზე წინასწარი გადაწყვეტილების მიღება;
- გადამხდელს მიეცათ საგადასახადო შეთანხმების გაფორმების შესაძლებლობა;
- გამარტივდა საგადასახადო კონტროლის შედეგების გასაჩივრების პროცედურები;
- ამუშავდა შემოსავლების სამსახურის სატელეფონო ცენტრი (ქოლცენტრი);
- გამარტივდა და დაიხვეწა სერვისები, ვებ-პორტალის - www.rs.ge საშუალებით შესაძლებელი გახდა დეკლარაციების და პირველადი საგადასახადო დოკუმენტების ელექტრონულად შევსება;
- გადამხდელს შეუძლია აიყვანოს პირადი საგადასახადო აგენტი (PRIVÉ);
- პრობლემური საკითხების გადაჭრაში გადამხდელს ეხმარება უბნის საგადასახადო ოფიცერი;
- მიენიჭათ შეღავათები სპეციალური საგადასახადო რეჟიმების სახით - მიკრო და მცირე ბიზნესის სტატუსის მქონე პირებს;
- შეიქმნა საგადასახადო ომბუდსმენის ინსტიტუტი;
- შემცირდა საბაჟო ტარიფები და უცხო ქვეყნის მოქალაქეებზე მოქმედებს TAX FREE რეჟიმი;
- ჩამოყალიბდა გაფორმების ეკონომიკური ზონები თბილისში, ბათუმსა და ფოთში;
- კეთილსინდისიერი გადამხდელებისთვის ამოქმედდა GOOD FAITH პრინციპი - გაფრთხილება ჯარიმის ნაცვლად და სხვა.

დამატებითი ინფორმაცია შემოსავლების სამსახურის მიერ განხორციელებულ პროექტებთან დაკავშირებით
წარმოდგენილია 25-ე გვერდზე.

ურთიერთობა მართვით


www.rs.ge

საბაზო	ცვლილება
B254	59
B253	88
B252	80
B251	46
B250	50
B249	79
B248	46
B247	69
B246	45
B245	44

საბიუჯეტო მიმოხილვა და საბაღადასახადო შემოსავლები

„საბიუჯეტო მიმოხილვა და საგადასახადო შემოსავლები“


აღნიშნული რეფორმების შედეგად ბოლო წლების განმავლობაში საგადასახადო შემოსავლები და შესაბამისად სახელმწიფო ბიუჯეტი მნიშვნელოვნად გაიზარდა.



გადამხდელთა სტატუსი

გადასახადის გადამხდელი არის პირი, რომელსაც აქვს საქართველოს საგადასახადო კოდექსით დადგენილი გადასახადის გადახდის ვალდებულება. სამართლებრივი სტატუსის მიხედვით, გადასახადის გადამხდელები იყოფიან ფიზიკურ და იურიდიულ პირებად. ბოლო წლების განმავლობაში სტაბილურად იზრდება რეგისტრირებულ გადამხდელთა რაოდენობა, რაც საბიუჯეტო შემოსავლების ზრდის წინაპირობას წარმოადგენს.

რეგისტრირებულ გადამხდელთა რაოდენობა





ურთიერთობა მართივით

www.rs.ge

ფიზიკური და იურიდიული პირების წილი საერთო საგადასახადო შემოსავლებში


ფიზიკური და იურიდიული პირების წილი საერთო საგადასახადო შემოსავლებში 2005 წლიდან 2014 წლის ჩათვლით



საგადასახადო ვალდებულებების ნებაყოფლობითი შესრულების სტრატეგია

რვენი მიზანი


საგადასახადო შემოსავლების და შესაბამისად
საბიუჯეტო შემოსავლების გაზრდა და
ეფექტური განაწილება სახელმწიფოს მიერ
საზოგადოებრივ სექტორზე



შემოსავლების სამსახურის მიდგომა საგადასახადო ვალდებულებების ნებაყოფლობითი შესრულების მიმართ

გადასახადის გადამხდელთა უმეტესობა ნებაყოფლობით იხდის კუთვნილ გადასახადს და თავისი წვლილი შეაქვს ქვეყნის განვითარების საქმეში, მაგრამ ყოველთვის არსებობენ პირები, რომლებიც არ ასრულებენ საკანონმდებლო ვალდებულებებს სხვადასხვა მიზეზების გამო. შემოსავლების სამსახურმა შეიმუშავა "საგადასახადო ვალდებულებების ნებაყოფლობითი შესრულების სტრატეგია", რომლის ფარგლებში მისი მიზანია არამხოლოდ საგადასახადო კონტროლის გზით საბიუჯეტო შემოსავლების გაზრდა, არამედ გადასახადის გადამხდელთა ქცევის შესწავლა, შეფასება და მათზე რეაგირება გადასახადების ნებაყოფლობით გადასახდელად. აგრეთვე ისეთი პრევენციული ღონისძიებების გატარება, რომლებიც მინიმუმადე დაიყვანს გადამხდელის მხრიდან შეცდომის დაშვების ალბათობას და მაქსიმალურად გაამარტივებს საგადასახადო ანგარიშგების პროცესს. ჩვენი სურვილია, დავეხმაროთ იმ გადამხდელებს, რომლებიც ცდილობენ ნებაყოფლობით გადაიხადონ გადასახადები და ვთანამშრომლობთ მათთან დაშვებული შეცდომების გამოსწორების მიზნით. ასევე მკაცრად და სამართლიანად ვაგრძელებთ იმ გადამხდელების კონტროლს, რომლებიც სათანადოდ არ ასრულებენ საგადასახადო ვალდებულებებს.

ფაქტორები, რომლებიც გავლენას ახდენენ გადახდელთა უცეკვბზე:




გადასახადის გადახდელი



შემოსავლების სამსახურის მიდგომა საგადასახადო ვალდებულებების ნებაყოფლობითი შესრულების მიმართ

აღნიშნული ფაქტორების შედეგად, გადამხდელები თავიანთი ქვევის მიხედვით იყოფიან 4 ძირითად ჯგუფად:



გემოთ მოცემულ პირამიდაზე გამოსახულია გადამხდელთა ტიპები და შემოსავლების სამსახურის სტრატეგია გადამხდელის თითოეული ტიპის მიხედვით. პირამიდის ზედა ნაწილში მოქცეული არიან ურჩი გადამხდელები, რომლებიც არ ასრულებენ საგადასახადო ვალდებულებებს, ხოლო პირამიდის ქვედა ნაწილში – კეთილსინდისიერი გადამხდელები. ჩვენი მიზანია პირამიდის ზედა ნაწილში მოქცეული გადამხდელები მივმართოთ ქვედა ნაწილისაკენ. გემოაღნიშნულის მისაღწევად ვიყენებთ ინდივიდუალურ მიდგომას გადამხდელთა თითოეული ჯგუფის მიმართ.

04 მიზანმიმართულად არ იხდიან გადასახადებს გადამხდელთა იმ მცირე ჯგუფის მიმართ, რომელიც კეთილსინდისიერად არ იხდის გადასახადებს, ჩვენ ვმოქმედებთ კანონის სრული სიმკაცრით, ამ მიზნით უწყვეტად მიმდინარეობს კანონდარღვევების და თაღლითობის ფაქტების შესწავლა/გამოვლენა და გადამხდელთა მიმართ საგადასახადო კონტროლის ღონისძიებების განხორციელება. 2014 წლის მონაცემებით აუდიტის დეპარტამენტის მიერ შემოწმებული პირებისთვის დამატებით დარიცხულმა თანხებმა შეადგინა სულ 648,072,007 ლარი, მათ შორის ძირითადი თანხა - 418,327,379 ლარი, ჯარიმა -229,744,628 ლარი. 2014 წელს მიმდინარე კონტროლის პროცედურების შედეგად დარიცხულმა თანხებმა კი შეადგინა 34,070,116 ლარი.

03 არ აქვთ სურვილი გადაიხადონ გადასახადები გადასახადებისგან თავის არიდების ფაქტები ჩვენთვის დიდხანს უცნობი ვერ დარჩება. ამისთვის ვიყენებთ ფართო საინფორმაციო ბაზებს, რომლებიც მოიცავს გადამხდელის მიერ გამოწერილ და ჩათვლილ საგადასახადო ანგარიშ-ფაქტურებს, ელ.სასაქონლო ზედნაღებებს, საბაჟო ოპერაციის ამსახველ დოკუმენტებს, ნაღდი და უნაღდო ანგარიშსწორებით განხორციელებულ ტრანსაქციებს და ხდება აღნიშნული ინფორმაციის ანალიზი გადამხდელის მიერ დეკლარირებულ მონაცემებთან მიმართებაში.

02 ცდილობენ, მაგრამ ყოველთვის ვერ ახერხებენ გადამხდელთა მიერ გადახდილი გადასახადები მნიშვნელოვან როლს თამაშობს ქვეყნის საერთო ეკონომიკურ მდგომარეობაში, ჩვენ ვცდილობთ, ვიყოთ მაქსიმალურად ლოიალურები მათ მიმართ, დავეხმაროთ სხვადასხვა პრობლემატური საკითხის გადაწყვეტაში, მივანოდოთ ინფორმაცია საგადასახადო ვალდებულებების შესახებ.

01 სურვილი აქვთ გადაიხადონ გადასახადები გადამხდელთა უმეტესობა კეთილსინდისიერად ასრულებს საკუთარ ვალდებულებებს. შესაბამისად ჩვენ უზრუნველყოფთ მომსახურების მაქსიმალურად გამარტივებასა და ტექნიკურ მხარდაჭერას მათ დასახმარებლად.

საგადასახადო ვალდებულებების ნებაყოფლობითი შესრულების შეფასება და შემოსავლების სამსახურის მიდგომა გადახდელთა 4 ჯგუფის მიხედვით


გადახდილი გადასახადების ფისკალური შედეგი

<p>N2 ძირითადი გადახდელეები</p> <ul style="list-style-type: none"> • ეხება იმ გადახდელეებს რომელთა მიერ ბიუჯეტში გადახდილ გადასახადებს აქვთ მაღალი ფისკალური შედეგი და გადასახადის გადახდისაგან თავის არიდების დაბალი რისკი • სტრატეგია: ურთიერთობა, მხარდაჭერა და უწყვეტი მონიტორინგი • შემოსავლების სამსახურის მიდგომა: დეკლარირებული მონაცემების მუდმივი ანალიზი, პრობლემური საკითხების მიმოხილვა გადახდელეებთან ერთად და ამ საკითხების გადამწყვეტა 	<p>N1 მაღალი რისკის მქონე გადახდელეები</p> <ul style="list-style-type: none"> • ეხება იმ გადახდელეებს რომელთა მიერ ბიუჯეტში გადახდილ გადასახადებს აქვთ მაღალი ფისკალური შედეგი და გადასახადის გადახდისაგან თავის არიდების მაღალი რისკი • სტრატეგია: დროული გამოვლენა, პრევენცია და კანონის სრული სიმკაცრე. • შემოსავლების სამსახურის მიდგომა: რისკის ფაქტორების მიმოხილვა, მესამე მხარის ინფორმაციების ინტენსიური გამოყენება, კომპლექსური აუდიტორული შემოწმება, გამოვლენილ კანონდარღვევებთან დაკავშირებით საგამომიებო სამსახურებთან თანამშრომლობა
<p>N4 დაბალი რისკის მქონე გადახდელეები</p> <ul style="list-style-type: none"> • ეხება იმ გადახდელეებს რომელთა მიერ ბიუჯეტში გადახდილ გადასახადებს აქვთ შედარებით დაბალი ფისკალური შედეგი და გადასახადის გადახდისაგან თავის არიდების დაბალი რისკი • სტრატეგია: გამარტივება და ხელშეწყობა • შემოსავლების სამსახურის მიდგომა: საკონსულტაციო სახის ვიზიტები, საინფორმაციო ბროშურების დარიცხვა და სიახლეების მუდმივი გაცნობა, მიზნობრივი, ფართომასშტაბიანი კომუნიკაცია მასობრივი საინფორმაციო საშუალებებით, გადახდელთა ჯგუფების პერიოდული მონიტორინგი 	<p>N3 საშუალო რისკის მქონე გადახდელეები</p> <ul style="list-style-type: none"> • ეხება იმ გადახდელეებს რომელთა მიერ ბიუჯეტში გადახდილ გადასახადებს აქვთ შედარებით დაბალი ფისკალური შედეგი და გადასახადის გადახდისაგან თავის არიდების მაღალი რისკი • სტრატეგია: დახმარება და წახალისება • შემოსავლების სამსახურის მიდგომა: გადახდელეებთან საკონსულტაციო სახის ვიზიტები, გადახდელთა საგანმანათლებლო პროგრამები, სამუშაო შეხვედრები, სატელეფონო ზარები, კონკრეტული რისკის ფაქტორების მიმოხილვა და აუდიტი

გადასახადების გადახდისაგან თავის არიდების რისკი



შემოსავლების სამსახურის მიერ რესურსების განაწილება გადამხდელთა 4 ჯგუფის მიხედვით



გადასახადების გადახდისგან თავის არიდების მიზნები



/ მკურნალი

14

ურთიერთობა მართივით

www.rs.ge

გადასახადების გადახდისაგან თავის არიდების მიზნების შესწავლა საშუალებას გვაძლევს, გავზარდოთ საგადასახადო ადმინისტრირების ეფექტიანობა, შესაბამისად უზრუნველყოთ საბიუჯეტო შემოსავლების ზრდა და მათი სამართლიანი განაწილება საზოგადოებრივ სექტორებზე.

არსებობს სამი ძირითადი მიზეზი, რის გამოც გადამხდელები არაჯეროვნად იხდიან კუთვნილ გადასახადებს:

1. არასაკმარისი ცოდნა;
2. არასაკმარისი შესაძლებლობები;
3. არასაკმარისი სურვილი.

„საგადასახადო ვალდებულებების ნებაყოფლობითი შესრულების სტრატეგიის“ კროზგრამის ფარგლებში შემოსავლების სამსახურმა შეიმუშავა სხვადასხვა მიდგომა ჩემოთ აღნიშნულ მიზეზებთან მიმართებაში:

არასაკმარისი ცოდნა - ინფორმაციის მიწოდება

- სახელმძღვანელოები - ყველა გადამხდელს მიეცემა საშუალება გაეცნოს სახელმძღვანელოს, სადაც დეტალურად იქნება აღწერილი დაბეგვრასთან დაკავშირებული საკითხები;
- ბუკლეტები - გადამხდელს დაურიგდებათ საინფორმაციო ბუკლეტები და ჟურნალები;
- მოკლე ტექსტური შეტყობინება - გადასახადის გადამხდელს გაეგზავნებათ საგადასახადო ვალდებულებების შესახებ ინფორმაციის შემცველი მოკლე ტექსტური შეტყობინება;
- ფორუმები - გადასახადის გადამხდელს საშუალება მიეცემათ დასვან შეკითხვები, განიხილონ პრობლემური საკითხები, გააზიარონ თავიანთი შეხედულებები და მიიღონ სწრაფი პასუხი.

არასაკმარისი შესაძლებლობები - კროზგრამის საკითხების სწრაფი და ეფექტური გადაწყვეტა, მართივი კომუნიკაცია

- სერვის ცენტრები - გადამხდელს საშუალება აქვს მომსახურება მიიღოს შემოსავლების სამსახურის მომსახურების დეპარტამენტის სერვის ცენტრებში საქართველოს დიდ ქალაქებში. სერვის ცენტრები უზრუნველყოფენ გადასახადის გადამხდელს-ლის მომსახურების პროცესში წარმოშობილი პრობლემური საკითხების შესწავლას და მათი გადამხდელის მიზნით, შესაბამის რეაგირებას; მუდმივად მიმდინარეობს სერვის ცენტრების მომსახურების დახვეწა, რათა გადამხდელს საშუალება მიეცეთ მიიღონ საგადასახადო მომსახურება უფრო სწრაფად და ეფექტურად;
- ქოლ ცენტრი - ქოლ ცენტრის ოპერატორები უწყვენ კონსულტაციას გადასახადის გადამხდელს საგადასახადო კანონმდებლობასთან დაკავშირებით. გადამხდელთა მზარდი ინტერესიდან გამომდინარე იგეგმება ქოლ ცენტრის თანამშრომელთა რაოდენობის ზრდა, რათა შეუფერხებლად მიაწოდონ მათთვის საინტერესო საკითხის შესახებ ინფორმაცია. ამასთან მომსახურების ხარისხის გაუმჯობესების მიზნით სისტემატურად მიმდინარეობს თანამშრომელთა კვალიფიკაციის ამაღლება;
- PRIVE - გადასახადის გადამხდელს პრობლემური საკითხების გადაჭრაში დახმარებას უწყვენ PRIVE-ს თანამშრომლები. აღნიშნული სერვისის სრულყოფის მიზნით შეიქმნება დამატებითი ჯგუფი, განსაკუთრებით რთული და პრობლემური საკითხების გადასაწყვეტად;
- უბნის ოფიცრები - გადამხდელს მიაწოდებენ ინფორმაციას საგადასახადო სიახლეების შესახებ, დაარიგებენ ბუკლეტებსა და ჟურნალებს.

არასაკმარისი სურვილი - გადამხდელთა დადებითი განწყობა, სახელმძღვანელო მიმართ ნდობის ამაღლება


- მარკეტინგი - მოსახლეობა მედიის საშუალებით გაეცნობა საინფორმაციო - სარეკლამო რგოლებს;
- თოქ შოუები - მონვეული ექსპერტები განმარტავენ სხვადასხვა პრობლემურ საკითხებს პირდაპირ ეთერში, სადაც საზოგადოებას მიეცემა საშუალება დასვას სასურველი კითხვები;
- სიახლეები - გამოქვეყნდება ინფორმაცია შემოსავლების სამსახურში მიმდინარე მნიშვნელოვანი ცვლილებების შესახებ, როგორცაა განვითარების გეგმა, კადრების დამატება, გადამხდელთა და ა.შ.




საგადასახადო ვალდებულებების ნებაყოფლობითი შესრულების პროგრამის მნიშვნელოვანი ნაწილია გადამხდელების ინფორმირება მათ მიერ გადახდილი გადასახადებისა და აღნიშნული გადასახადებით მობილიზებული შემოსავლების სხვადასხვა სექტორში განაწილების შესახებ. შესაბამისად, გადამხდელი უფლებამოსილია, ფლობდეს ინფორმაციას

მთლიანი შემოსავლების რა ნაწილს შეაბდენს საბადასახადო შემოსავლები


- საგადასახადო შემოსავლები
- სხვა შემოსავლები
- გრანტები



საგადასახადო შენოსავლები
გადასახდების მიხედვით
2014 წელს




- დამატებული ღირებულების გადასახადი
- მოგების გადასახადი
- ქონების გადასახადი
- საბაჟო გადასახადი
- აქციზი
- საშემოსავლო გადასახადი






საგადასახადო შენობის დინამიკა გადასახადების მიხედვით




როგორ ნაწილდება საბიუჯეტო შემოსულობები სხვადასხვა საქეორგე



- 1 ■ საქართველოს შრომის, ჯანმრთელობისა და სოციალური დაცვის სამინისტრო
- 2 ■ სხვა დანარჩენი ხარჯები
- 3 ■ მუნიციპალიტეტების დაფინანსება
- 4 ■ საქართველოს რეგიონული განვითარებისა და ინფრასტრუქტურის სამინისტრო
- 5 ■ სახელმწიფო ვალის მომსახურება
- 6 ■ საქართველოს განათლებისა და მეცნიერების სამინისტრო
- 7 ■ საქართველოს თავდაცვის სამინისტრო
- 8 ■ შინაგან საქმეთა სამინისტრო
- 9 ■ საქართველოს სოფლის მეურნეობის სამინისტრო
- 10 ■ საქართველოს სასჯელაღსრულებისა და პრობაციის სამინისტრო

საგადასახადო შემოსავლების შედეგად ფინანსდება ჯანდაცვა, განათლება, უსაფრთხოება, ინფრასტრუქტურა და სხვა ძირითადი სოციალური სფეროები. ის გადამხდელი, რომელიც არ იხდის კუთვნილ გადასახადს, აზიანებს საქართველოს დანარჩენ მოსახლეობას, რადგან გადასახადების ტვირთი აწევს იმ გადამხდელს, რომლებიც პატიოსნად იხდიან გადასახადებს.





შემოსავლების სამსახურის
2015-2016 წლების გადასახადის
გადახდელთა მიერ საგადასახადო
ვალდებულებების ნებაყოფლობითი
შესრულების სტრატეგია

საგადასახადო ვალდებულებების ნებაყოფლობითი შესრულების სტრატეგია

რისკის იდენტიფიკაცია და ანალიზი

რისკების იდენტიფიცირების და ანალიზის ეტაპზე განხორციელდა შიდაუნებრივი გამოკითხვა, ანალიზი გაუკეთდა განვლილ პერიოდში ჩატარებულ საგადასახადო შემონუმებებისა და მიმდინარე კონტროლის პროცედურების შედეგებს, დამუშავდა შემოსავლების სამსახურში არსებული მონაცემთა ბაზა და გამოიკვეთა ნებაყოფლობითი დეკლარირების და გადახდევინების სტრატეგიის პრიორიტეტული ჯგუფები.

ეფექტური სტრატეგიის შემუშავება

რისკების იდენტიფიცირების და ანალიზის შედეგად გამოვლენილი პრიორიტეტული ჯგუფების მიმართ შემუშავდა და შემოსავლების სამსახურის უფროსის ბრძანებით დამტკიცდა თითოეული მიზნობრივი ჯგუფის მიმართ წინასწარ განსაზღვრულ ვადებში გასატარებელი ღონისძიებების დეტალური სამოქმედო გეგმა.

ძირითადი ღონისძიებების ეფექტური განხორციელება

შემუშავებული გეგმის ეფექტური განხორციელებისთვის ჩვენ გამოვიყენებთ ყველა იმ რესურსსა და ინსტრუმენტს, რომელიც გააჩნია შემოსავლების სამსახურს, როგორცაა გამარტივებული მომსახურება, გადამხდელებთან მჭიდრო კომუნიკაცია, საინფორმაციო საშუალებები და საგადასახადო კოდექსის შესაბამისად განსაზღვრული მკაცრი კონტროლის მექანიზმები. აღნიშნული გეგმის განხორციელების სანყის ეტაპს წარმოედგენს „საგადასახადო ვალდებულებების ნებაყოფლობითი შესრულების სტრატეგიის“ დოკუმენტის გაცნობა ფართო საზოგადოებისთვის, სადაც შემოსავლების სამსახური მკაფიოდ აფიქსირებს საგადასახადო რისკის შემცველ პრიორიტეტულ სფეროებს.


საგადასახადო ვალდებულებების ნებაყოფლობითი შესრულების სტრატეგია


საგადასახადო ვალდებულებების ნებაყოფლობითი
შესრულების სტრატეგიის მიზნობრივი ჯგუფებია:



აღნიშნული გადასახადის გადამხდელები წარმოადგენენ
შემოსავლების სამსახურის 2015 -2016 წლების
საგადასახადო ვალდებულებების ნებაყოფლობითი
შესრულების სტრატეგიის მთავარ პრიორიტეტებს.

ურთიერთობა მარტივია
www.rs.ge





ფიზიკური პირები

საქართველოში გადასახადის გადამხდელთა უდიდეს ნაწილს წარმოადგენენ ფიზიკური პირები, თუმცა მათ მიერ ბიუჯეტში გადახდილი გადასახადები შეადგენს საერთო საგადასახადო შემოსავლების მხოლოდ 7%-ს. აღნიშნული შესაძლოა განპირობებული იყოს ერთი მხრივ, გადასახადის გადამხდელთა არასაკმარისი ცოდნით, გადაიხადონ კუთვნილი გადასახადები, მეორე მხრივ, აღნიშნული სექტორის ადმინისტრირების სირთულით. აღსანიშნავია ისიც, რომ ფიზიკური პირი ნებისმიერი იურიდიული პირის სტატუსის მქონე გადასახადის გადამხდელის დამფუძნებელი ან/და საბოლოო ბენეფიციარია. აქედან გამომდინარე, ჩვენი სტატეგიის ფარგლებში პირველ სამიზნე ჯგუფს სწორედ ფიზიკური პირები წარმოადგენენ. ჩვენი მიზანია აღნიშნული ფიზიკური პირებისთვის ამომწურავი ინფორმაციის მიწოდება ბიუჯეტის წინაშე ვალდებულებების შესაძლო წარმოშობის შესახებ, რათა ნებაყოფლობით გადაიხადონ კუთვნილი გადასახადები. ამასთანავე გამკაცრდება იმ პირთა საგადასახადო კონტროლი, რომლებიც შეგნებულად არიდებენ თავს წარმოქმნილ ვალდებულებებს.

საგადასახადო ვალდებულებების ნებაყოფლობითი შესრულების მანვენებლის გაუმჯობესება პირდაპირპროპორციულად აისახება იურიდიული პირების გადახდევინების მანვენებელზეც, ვინაიდან ნებისმიერი იურიდიული პირის უკან დგას ფიზიკური პირი და მათი საგადასახადო ცნობიერების ამაღლება ხელს შეუწყობს ზოგადად საბიუჯეტო შემოსავლების ზრდას.

2015-2016 წლებში შემოსავლების სამსახური ორიენტირებულია ადმინისტრირება განახორციელოს ქვემოთ ჩამოთვლილ ფიზიკურ პირთა ჯგუფებზე:

- ქონების გადასახადის გადამხდელი ფიზიკური პირები;
- უძრავი ქონების მეიჯარე ფიზიკური პირები;
- იპოთეკარი ფიზიკური პირები;
- მაღალი შემოსავლის მქონე ფიზიკური პირები.



საგადასახადო ვალდებულებების ნებაყოფლობითი შესრულების სტრატეგია



ს სამშენებლო საქმიანობა

საქართველოში სამშენებლო საქმიანობა ერთ-ერთი ყველაზე მზარდი და სწრაფად განვითარებადი სფეროა. ბოლო წლების განმავლობაში საგრძნობლად გაიზარდა სამშენებლო საქმიანობის განმახორციელებელ პირთა რიცხვი. ნატარებული საგადასახადო კონტროლის ღონისძიებების შედეგებმა აჩვენა, რომ ამ სფეროში მიმდინარე პოზიტიური მოვლენების მიუხედავად, დიდია გადასახადების გადახდის-გან თავის არიდების და გადასახადების დამალვის ფაქტები. ზემოთ აღნიშნულიდან გამომდინარე, შემოსავლების სამსახურმა 2015-2016 წლების საგადასახადო ვადებულებების ნებაყოფლობითი შესრულების სტრატეგიის ერთ-ერთ პრიორიტეტად დაისახა სამშენებლო სფეროში საგადასახადო აღრიცხვის მონესრიგება.



ს ვტონანილებით ვაჭრობა

ბოლო ორი წლის განმავლობაში ავტომანქანის მეორადი ნაწილებით ვაჭრობით დაკავებული არის 3,000-მდე პირი. ავტონაწილებით ვაჭრობის სფეროს თავისებურებებიდან გამომდინარე, ხშირად გადასახადის გადამხდელები არასწორად აღრიცხავენ სასაქონლო-მატერიალური ფასეულობების მოძრაობას, რაც წარმოშობს აღურიცხავი საქონლით ვაჭრობის რისკს. ავტონაწილების ბაზარზე აღურიცხავი საქონლით ვაჭრობა პრობლემას წარმოადგენს როგორც გამყიდველისთვის (გაზრდილი საგადასახადო რისკები), ასევე მყიდველისთვის (მაღალი ფასები).

საგადასახადო ვალდებულებების ნებაყოფლობითი შესრულების მესრულების სტრატეგია

სოფლის მეურნეობის პროდუქციის იმპორტირება

საგადასახადო ვალდებულებების ნებაყოფლობითი შესრულების სტრატეგიაში მნიშვნელოვანი ადგილი უკავია სოფლის მეურნეობის პროდუქციის იმპორტირების სეგმენტს. ბოლო ორი წლის განმავლობაში 1000-მდე გადამხდელის მიერ განხორციელდა 183 მლნ. ლარამდე ხილ-ბოსტნეულის იმპორტი. სოფლის მეურნეობის პროდუქტებით ვაჭრობის სფეროში მთავარ პრობლემას წარმოადგენს სასაქონლო-მატერიალური ფასეულობების მოძრაობის აღრიცხვა. ამასთან ხშირია შემთხვევები, როდესაც საგადასახადო გადამხდელი არ ახორციელებს გადაგასული ან/და გამოსაყენებლად უვარგისი სასაქონლო-მატერიალური ფასეულობების ჩამოწმებას საგადასახადო კოდექსის შესაბამისად. აღნიშნული ქმედება არათანაბარ პირობებში აყენებს სოფლის მეურნეობით დაკავებულ ადგილობრივ და იმპორტიორ პირებს, რაც უარყოფითად მოქმედებს ქვეყანაში სოფლის მეურნეობის განვითარებაზე. აქედან გამომდინარე, ჩვენი მიზანია აღნიშნულ სფეროში საგადასახადო აღრიცხვიანობის მონესრიგება და შესაბამისად კონკურენტული გარემოს შექმნა.



ბუნებრივი რესურსებით მოსარგებლე პირები

2015-2016 წლების საგადასახადო ვალდებულებების ნებაყოფლობითი შესრულების სტრატეგიის ბოლო სამიწინე ვკუფს წარმოადგენს ბუნებრივი რესურსებით მოსარგებლე პირები. დღევანდელი მდგომარეობით საქართველოს ტერიტორიაზე ბუნებრივი რესურსებით სარგებლობის ლიცენზიას ფლობს 3,134 პირი. საქმიანობის სპეციფიკიდან გამომდინარე, ბუნებრივი რესურსებით სარგებლობის ლიცენზიის მფლობელი პირები არასწორად განსაზღვრავენ კუთვნილ საგადასახადო ვალდებულებებს. კერძოდ, ლიცენზიის აღების შემდეგ გადამხდელი რეგისტრაციის გარეშე აგრძელებს ეკონომიკურ საქმიანობას, ასევე რეგისტრირებული გადამხდელების მიერ არ ხდება მოპოვებული ბუნებრივი რესურსების სასაქონლო მატერიალურ მარაგებში სრულად ასახვა, კუთვნილი მიწის საგადასახადო გადახდა და ა.შ. საგადასახადო ვალდებულებების ნებაყოფლობითი შესრულების სტრატეგიის ფარგლებში ჩვენ ვთანამშრომლობთ შესაბამის სახელმწიფო სტრუქტურებთან და საგადასახადო გადამხდელეთან, რათა ხელი შევუწყოთ საგადასახადო ვალდებულებების ნებაყოფლობითი შესრულების მაჩვენებლის გაუმჯობესებას, რაც გამოიწვევს ჩასატარებელი საგადასახადო კონტროლის ღონისძიებების შემცირებას.



სარესტორნო მომსახურება

დღევანდელი მონაცემებით საქართველოს ტერიტორიაზე ფუნქციონირებს 6,000-მდე საზოგადოებრივი კვების ობიექტი. წლების მანძილზე დაგროვილმა გამოცდილებამ აჩვენა, რომ აღნიშნულ სფეროში მოქმედი საგადასახადო გადამხდელები ხშირად არასწორად ახორციელებენ დანახარჯების კალკულაციას. ასევე არ ხდება მათი მხრიდან მიღებული შემოსავლების სრულად აღრიცხვა. აქედან გამომდინარე შემოსავლების სამსახურის 2015-2016 წლების საგადასახადო ვალდებულებების ნებაყოფლობითი შესრულების სტრატეგიაში ერთ-ერთი მთავარი პრიორიტეტი საზოგადოებრივი კვების დარგში აღრიცხვიანობის მონესრიგებაა.



განხორციელებული პროექტები

რ ისკვამ დაფუძნებული აუდიტი

საგადასახადო შემოსწმენებისთვის გადასახადის გადამხდელები შეირჩევიან „რისკების პროგრამის“ საშუალებით. პროგრამა, წინასწარ განსაზღვრული და მასში იმპლემენტირებული რისკის კრიტერიუმების საშუალებით, ამუშავებს შემოსავლების სამსახურის ელექტრონულ ბაზებში არსებულ ინფორმაციებს. კრიტერიუმების საფუძველზე გადამხდელებს ენიჭებათ რისკის (შეფასების) ქულები, რომლებიც შემდგომში განსაზღვრავენ კონკრეტული გადამხდელის ან გადამხდელთა ჯგუფის რისკის დონეს. შესაძლებელია, გადამხდელი ან გადამხდელთა ჯგუფი შემოსწმენებისთვის შეირჩეს ინდივიდუალურად, კონკრეტული რისკის შემცველი თემის შესაბამისად.

რ ისკვამ დაფუძნებული მიმდინარე კონტროლის პროცედურები

ელექტრონული მომსახურების ფართოდ დანერგვას შედეგად მოჰყვა გადამხდელსა და შემოსავლების სამსახურს შორის ურთიერთობის გამარტივება, საგადასახადო კონტროლის შესაძლებლობების ზრდა, გადასახადის გადამხდელის მიერ განხორციელებული სამეურნეო ოპერაციების მაქსიმალური სიზუსტით ასახვა მონაცემთა ერთიან კომპიუტერულ ბაზაში და შესაძლო სამართალდარღვევათა სწრაფი გამოვლენა. ამ მიზნით შეიქმნა საკონტროლო-საღალა-რო აპარატების გამოყენების დაცვის კონტროლის ელექტრონული პროგრამა, რომლის საშუალებითაც ვგეგმავთ საკონტროლო შესყიდვებს და ამით მინიმუმამდე დაგვყავს საგადასახადო კონტროლის ღონისძიებების სუბიექტურ ფაქტორებზე დამოკიდებულება.

ც ცენტრალიზებული საგადასახადო სისტემა

საგადასახადო სისტემის ეფექტიანობის გაუმჯობესების მიზნით განხორციელდა შემოსავლების სამსახურის სტრუქტურული რეორგანიზაცია. კერძოდ, ჩამოყალიბდა ცენტრალიზებული საგადასახადო სისტემა, რამაც ხელი შეუწყო ადამიანური რესურსების ოპტიმიზაციას.

წ წინასწარი გადაწყვეტილება

შემოსავლების სამსახურმა წინასწარი გადაწყვეტილების სახით გადასახადის გადამხდელებს მომსახურების ახალი ტიპი შესთავაზა. წინასწარი გადაწყვეტილების საფუძველზე, გადამხდელები შემოსავლების სამსახურთან ათანხმებენ განსახორციელებელი ან განხორციელებული საქმიანობის, ოპერაციის დაბეგვრის პირობებსა და შესაბამისად წარმოშობილ საგადასახადო ვალდებულებებს, რაც მთლიანად გამოირიცხავს გადასახადის გადამხდელსა და საგადასახადო ორგანოს შორის უთანხმოებებსა და გაუგებრობებს. აღნიშნული სერვისის პოპულარობას ადასტურებს უკვე გამოცემული 200-მდე წინასწარი გადაწყვეტილება.

კ კადრების სისტემატური გადამზადება

შემოსავლების სამსახურში სისტემატურად მიმდინარეობს კადრების გადამზადება ფინანსთა სამინისტროს აკადემიის მიერ. თანამშრომელთა კვალიფიკაციის და უნარების ამაღლების მიზნით, შემოსავლების სამსახური ასევე ინტენსიურად თანამშრომლობს საერთაშორისო ორგანიზაციებთან, როგორებიცაა OIA, IOTA, OECD...და ა.შ.

განხორციელებული პროექტები

ს აგადასახადო შეთანხმება

გადასახადის გადამხდელს მიენიჭა უფლება, მიმართოს შემოსავლების სამსახურს გადასახადების ან სანქციების შემცირების მიზნით და განსაზღვროს ის საგადასახადო პერიოდი, ან პერიოდები, რომლის მიმართაც სურს, გამოიყენოს საგადასახადო შეთანხმების მექანიზმი. აღნიშნული წარმოადგენს კიდევ ერთ საკანონმდებლო ინსტრუმენტს, რათა გადასახადის გადამხდელმა შეძლოს დაკისრებულ ვალდებულებათა პირნათლად შესრულება, რაც შემდგომში სახელმწიფოსა და კერძო ბიზნესს შორის პარტნიორული და ნდობაზე დამყარებული ურთიერთობის საფუძველია.

ს აგადასახადო კონტროლის შედეგების გასაჩივრების გამართივებელი პროცედურები

შემოსავლების სამსახურის მიერ შემუშავდა სისტემა, რაც გულისხმობს საგადასახადო კონტროლის პროცედურების მიმდინარეობისას გადამხდელისათვის საგადასახადო მოთხოვნის ჩაბარებამდე აქტის პროექტის გაცნობას, სადაც დეტალურად არის აღწერილი საგადასახადო კონტროლის სავარაუდო შედეგები. გადასახადის გადამხდელს პრეტენზიის შემთხვევაში აღნიშნული აქტის პროექტის განხილვა - გასაჩივრება შეუძლია მედიაციის საბჭოს სხდომაზე. აქტის პროექტის განხილვა-გასაჩივრების პროცესში გადამხდელის მიმართ არ მიმდინარეობს იძულებითი გადახდევინების ღონისძიებები.

შ ემოსავლების სამსახურის სატელეფონო ცენტრი (ქოლცენტრი)

შემოსავლების სამსახურის სატელეფონო ცენტრის (ქოლცენტრი) - მიზანია გადასახადის გადამხდელს საგადასახადო და საბაჟო ვალდებულებებსა და პროცედურებზე საბაზისო სატელეფონო ინფორმაცია მიწოდოს. საინფორმაციო-სატელეფონო ცენტრის მეშვეობით გადამხდელს შესაძლებლობა ეძლევა ოპერატიულად მიიღოს ინფორმაცია როგორც საკანონმდებლო სიახლეებსა და პროცედურულ ღონისძიებებზე, ასევე შემოსავლების სამსახურის საქმიანობაზე.

ელექტრონულ სერვისებზე წვდომის გასამარტივებლად, გადამხდელს შეუძლია სატელეფონო სერვისით ისარგებლოს და საგადასახადო სერვისცენტრში მიუსვლელოს, საგადასახადო დეკლარირების განხორციელების მიზნით, ელექტრონული აქტივაცია განახორციელოს.

შემოსავლების სამსახურის ქოლცენტრის ზარების განაწილების სისტემა მომხმარებელს შესაძლებლობას აძლევს, თავადვე აირჩიოს საბაჟო ან საგადასახადო კონსულტანტი და მიიღოს სწრაფი და კვალიფიციური მომსახურება.

განხორციელებული პროექტები

ბ აგარტივებული და დახვეწილი სერვისები, ვებ-პორტალი WWW.RS.GE ელ. დეკლარირება, ელ. ფაქტურები და გედნადებები

გადასახადის გადამხდელისთვის მაქსიმალური კომფორტის უზრუნველსაყოფად შემოსავლების სამსახურმა დანერგა მრავალი სახის ელექტრონული მომსახურება. ვებ-პორტალის საშუალებით, ოფისიდან გაუსვლელად, ზედმეტი დანახარჯების გარეშე, შესაძლებელია შემოსავლების სამსახურთან კომუნიკაცია, გადასახადების ელექტრონული დეკლარირება, ინტერნეტ-გადახდები, დანქარებული მომსახურების მიღება, განცხადებებისა და დოკუმენტაციის, მათ შორის საგადასახადო ანგარიშ-ფაქტურებისა და სასაქონლო ზედნადებების ელექტრონულად წარდგენა და მათი შესრულების მდგომარეობაზე მეთვალყურეობა ონლაინ რეჟიმში. აქვე განთავსებულია საგადასახადო კოდექსის ტექსტური და ვიდეო ვერსიები, რომლის საშუალებითაც შესაძლებელია განმარტებების მოსმენა. გადამხდელებმა ნებისმიერ საინტერესო საკითხთან დაკავშირებით, რომელიც ეხება საგადასახადო კანონმდებლობის გამოყენებასა და განმარტებას, ასევე რეკომენდაციებს საგადასახადო კანონმდებლობაში ცვლილებების განხორციელების თაობაზე, შესაძლებელია მიმართონ ელექტრონულად, პირადი ელექტრონული ფოსტიდან მისამართზე: info@rs.ge წერილის გამოგზავნის გზით. სრულყოფილი და ამომწურავი პასუხი მითითებულ ელექტრონული ფოსტაზე იგზავნება 1 სამუშაო დღის ვადაში. აღნიშნული ტიპის წერილები შესაძლებელია წარმოდგენილ იქნას მატერიალური ფორმითაც, რომელზეც პასუხის გაცემა ხდება ფოსტის მეშვეობით.

პ ირადი საგადასახადო აგენტი (PRIVĚ)

შემოსავლების სამსახურმა დანერგა პირადი საგადასახადო აგენტის ინსტიტუტი. აგენტი გადასახადის გადამხდელს ეხმარება კანონმდებლობაში შეტანილი სიახლეების გაცნობაში, უადვილებს საგადასახადო ორგანოებთან ურთიერთობას, აძლევს რჩევებს, უზოგავს დროსა და ენერჯიას. პირადი საგადასახადო აგენტი არის შემოსავლების სამსახურის თანამშრომელი, რომელიც იცავს გადასახადის გადამხდელის ინტერესებს და ცდილობს, მაქსიმალური კომფორტი შეუქმნას მას.

უ ბნის საგადასახადო ოფიცერი

ამოქმედდა უბნის საგადასახადო ოფიცრის ინსტიტუტი. საგადასახადო ოფიცრის მთავარი მოვალეობაა გადასახადის გადამხდელის დახმარება პრობლემების მოგვარების კუთხით, კონსულტაციის გაწევა. საგადასახადო ოფიცრები უბნების მიხედვით გადანაწილდნენ. ისინი ყოველდღიურად ხვდებიან გადამხდელებს, უწევენ საჭირო დახმარებას და აცნობენ შემოსავლების სამსახურში მიმდინარე რეფორმებსა თუ სიახლეებს. უბნის საგადასახადო ოფიცერი აღჭურვილია უახლესი ტექნიკით, შესაბამისად, გადასახადის გადამხდელებს ადგილზევე შეუძლიათ რამდენიმე მომსახურების მიღება, რაც აქამდე მხოლოდ სერვის-ცენტრებში იყო შესაძლებელი. უბნის საგადასახადო ოფიცრის ფუნქციაში არ შედის გადამხდელთა დაჯარიმება. ის ორიენტირებულია მხოლოდ მენარმეთა კონსულტირებაზე და მათ დახმარებაზე. გადასახადის გადამხდელს შეუძლია ნებისმიერი საკითხის განხილვა საგადასახადო ოფიცერთან, უზუსტობის აღმოჩენის შემთხვევაში კი ამას არ მოყვება საგადასახადო შემონმება.

განხორციელებული პროექტები

ურთიერთობა მართვით

www.rs.ge

ს კვციალური საგადასახადო რეჟიმები - მიკრო და მცირე ბიზნესისათვის

ახალმა საგადასახადო კოდექსმა მკაფიოდ განსაზღვრა მიკრო და მცირე ბიზნესის არსი, დაადგინა შეღავათიანი და მარტივად ადმინისტრირებადი გადასახადის განაკვეთები მცირე ბიზნესისათვის (ბრუნვის 3% ან 5%-ით დაბეგრვა). მიკრო ბიზნესი გათავისუფლდა საშემოსავლო გადასახადის გადახდის ვალდებულებისაგან, ხოლო მცირე ბიზნესის სტატუსის მქონე გადასახადის გადამხდელი უფლებამოსილია აწარმოოს გამარტივებული ბულალტერია.

ს აგადასახადო ომბუდსმენი

დაინერგა გადასახადის გადამხდელთა უფლებებისა და კანონიერი ინტერესების დაცვის ახალი მექანიზმი - საგადასახადო ომბუდსმენის ინსტიტუტი, რომელიც ზედამხედველობას უწევს და გამოავლენს საქართველოს ტერიტორიაზე გადასახადის გადამხდელთა უფლებებისა და კანონიერი ინტერესების დარღვევის ფაქტებს, ასევე ხელს უწყობს დარღვეული უფლებების აღდგენას.

ს აბაჟო ტარიფები, TAX FREE

2007 წლამდე იმპორტი იბეგრებოდა 16 სხვადასხვა ტარიფით 0%-დან 30% მდე განაკვეთით, დღეისათვის მოქმედებს 3 სატარიფო განაკვეთი 12%, 5% და 0%; ამასთან, აღსანიშნავია, რომ იმპორტირებული საქონლის 80% ნულთან ტარიფით იბეგრება. 2005 წლამდე იმპორტის პროცედურისათვის აუცილებელი იყო 54 დოკუმენტი, რაც იწვევდა მრავალ სიძნელეს იმპორტიორისათვის და კორუფციულ გარემოს ქმნიდა, დღეის მდგომარეობით, იმპორტის პროცედურისათვის საჭიროა მხოლოდ 2 დოკუმენტი. 2014 წლის 1 სექტემბრიდან საქართველოსა და ევროკავშირის შორის “ღრმა და ყოვლისმომცველი თავისუფალი სავაჭრო სივრცის შესახებ შეთანხმება” ამოქმედდა. აღნიშნული შეთანხმება საქართველოსა და ევროკავშირის ქვეყნებში წარმოებული საქონლის ამავე ტერიტორიაზე საბაჟო (იმპორტის) გადასახადების გარეშე მოძრაობას ითვალისწინებს. TAX FREE გულისხმობს უცხო ქვეყნის მოქალაქეთა მიერ საქართველოში შეძენილ საქონელზე გადახდილი დამატებული ღირებულების გადასახადის თანხის დაბრუნებას განსაზღვრულ ვადაში ეკონომიკური საზღვრის გადაკვეთამდე. ამ მომსახურების მიზანია ქართული ბაზრის კონკურენტუნარიანობის გაზრდა და სტიმულირება. მან მალევე მოიპოვა გამოხმაურება კერძო სექტორის მხრიდან და ამაჟამად მრავალ მაღაზიაშია შესაძლებელი TAX FREE მომსახურების მიღება.

ბ აფორმების ეკონომიკური ზონების ჩამოყალიბება თბილისში, ბათუმსა და ფოთში

გაფორმების ეკონომიკური ზონა არის საქართველოში უპრეცედენტო სიდიდის, რამდენიმე ჰექტარზე გაშენებული გაფორმების ცენტრი, აღჭურვილი თანამედროვე ინფრასტრუქტურითა და ელექტრონული საშუალებებით, სპეციალურად დაგეგმარებული ავტოსადგომით ასეულობით სატვირთო ავტომანქანაზე. გეზ-ში შესაძლებელია ერთდროულად შეუზღუდავი რაოდენობის იმპორტიორის მომსახურება, კვირაში შვიდი დღისა და 24 საათის განმავლობაში. ამჟამად მოქმედებს გაფორმების ეკონომიკური ზონები თბილისში, ბათუმსა და ფოთში. უმთავრესი სიახლე, რამაც მთლიანად შეცვალა იმპორტის პროცედურები - ეს არის ახალი სტანდარტი - ტვირთი ფორმდება მაქსიმუმ 15 წუთის განმავლობაში, ხოლო წითელი დერეფნის შემთხვევაში - 1 საათის განმავლობაში. ამასთან, ტვირთის გაფორმებისას იმპორტიორს აღარ უწევს ძვირადღირებული ბროკერის, დეკლარანტის/ექსპერტისა და სხვა შუამავლების დაქირავება, რაც ზოგავს იმპორტიორის ფინანსურ და შრომით დანახარჯებს. გეზ-ში ტვირთის გაფორმების საფასურის გადახდა შესაძლებელია 5-დღიანი გადავადებით, ხოლო წინასწარი დეკლარირების შემთხვევაში - 15 დღიანი გადავადებით. იმპორტიორის სურვილის შემთხვევაში ტვირთის ტრანსპორტირება შესაძლებელია, განხორციელდეს დანიშნულების ადგილამდე.

ბ ავრთხილება ჯარიმის ნაცვლად, GOOD FAITH

საგადასახადო კოდექსში განხორციელებულმა ცვლილებებმა, რომელიც მიმართული იყო სახელმწიფოსა და კერძო სექტორს შორის მეგობრული და პარტნიორული ურთიერთობის ჩამოყალიბებისაკენ, შემოსავლების სამსახური აღჭურვა უფლებამოსილებით - ცალკეულ საგადასახადო სამართალდარღვევების პირველად გამოვლენის შემთხვევაში არ გამოიყენოს ფულადი ჯარიმა და შემოიფარგლოს გაფრთხილებით. ამასთან საგადასახადო ორგანოს დავის განმხილველ ორგანოს ან სასამართლოს უფლება აქვს, გაათავისუფლოს კეთილსინდისიერი გადასახადის გადამხდელი საქართველოს საგადასახადო კოდექსით გათვალისწინებული სანქციისაგან, თუ სამართალდარღვევა გამონვეულია გადასახადის გადამხდელის შეცდომით, არცოდნით. (GOOD FAITH)

ბ ანდაზმულობის ვადა

საგადასახადო კოდექსში შევიდა ცვლილება, რომლის მიხედვით გადასახადის გადამხდელისათვის გადასახადის თანხის დარიცხვისა და საგადასახადო ვალდებულების შესახებ საგადასახადო მოთხოვნის წარდგენის ხანდაზმულობის ვადა შემცირდება, კერძოდ:

- ა) 2015 წლის 1 იანვრიდან - 5 წლამდე;
- ბ) 2016 წლის 1 იანვრიდან - 4 წლამდე;
- გ) 2017 წლის 1 იანვრიდან - 3 წლამდე.


ბ იმდინარე კონტროლის პროცედურების შედეგების ელექტრონულად გაფორმების პროგრამა

შემოსავლების სამსახური მუდმივად ცდილობს დანერგოს სიახლეები. საპილოტე რეჟიმშია მიმდინარე კონტროლის პროცედურების შედეგების ელექტრონულად გაფორმების პროგრამა, რომლის ფარგლებშიც საგადასახადო ოფიცრები აღიჭურვებიან თანამედროვე ტექნიკური საშუალებებით. აღნიშნული პროგრამა საშუალებას მოგვცემს მოვახდინოთ გადამხდელთა შესახებ არსებული ინფორმაციის სისტემატიზაცია, განზოგადება და ანალიზი, რაც ხელს შეუწყობს არაკეთილსინდისიერი გადასახადის გადამხდელების მიმართ მიმდინარე კონტროლის ღონისძიებების ეფექტურად დაგეგმვას და განხორციელებას.



ბისურვებთ წარმატებას თქვენს საუმიანობაში!

აღნიშნული სტრატეგიის შემუშავების და განხორციელების ფარგლებში თანამშრომლობისთვის მადლობას ვუხდით საერთაშორისო სავალუტო ფონდის ფისკალური პოლიტიკის დეპარტამენტის ექსპერტებს მარტინ სკოტს, პიტერ ბარანდს, ენრიკო აავს და ბრიუს ქუიგლს.



შემოსავლების
სამსახური

სენდორალური აპარატი:

ვ.გორგასლის ქ. #16,
0114, თბილისი, საქართველო
ელ-ფოსტა: info@rs.ge
ცხელი ხაზი: 2 299 299
ვებ გვერდი: www.rs.ge

ურთიერთობა მარტივია

www.rs.ge

სამბდასახადო ვალდებულებების ნებაყოფლობითი შესრულების სტრატეგია





ურთიერთობა მარტივია
www.rs.ge